

lido & laudabili facto Scotiæ Regis Cenethi , qvi certos homines
piscium fulgentibus squamis indutos & putridis lignis loco baculi
armatos in Conclavia Procerum Regni , qvi vino somnoq; obruti
erant , misit , ut eos ad fortiter pugnandum contra Pictos cohorta-
rentur , certamq; ac indubiam victoriam promitterent . Vide Fran-
cisci Lustig . Schaub . Erst . Theil . 5 . Vers . pag . 937 . Sperling . Instit . Phys .
lib . 3 . cap . 5 . pag . 506 . De recenti Jurucapaba sive Itajara , pisce in
Brasiliâ squamoso ac lucente videatur Georg . Marcgravius in Histor .
Nat . citatus Bartholino d . l . pag . 302 .

§. 15. Similis Humor est in Pulmone Marino , ut virgis vel
qvibuscunq; aliis rebus illitus , eas non secus ac Igne cōruscas in te-
nebris exhibeat , ut testatur Plinius lib . 32 . cap . 10 . Rondeletius de In-
secl . & Zoophyt . cap . 28 . fol . 132 . Boussvetus de Nat . Aquat . lib . 2 . pag . 72 .
Aldrovandus de Zoophyt . lib . 4 . cap . 3 . fol . 189 . Kircherus d . lib . 1 . part . 1 .
cap . 7 . fol . 25 . Penna qvoq; Marina , qvæ ab aliis ob figuram Mentu-
la alata dicitur , nimio candore noctu qvasi Stella relucet . Ronde-
letius d . l . cap . 24 . fol . 129 . & Boussvetus pag . 71 .

§. 16. Crustatis etiam & Testaceis Aqvatalibus lumen inesse
docet Experientia . Nam Leo Allatius in Epistola , qvam de Po-
maro Studio ad Licetum conscripserat , testatur se Romæ in Ga-
marorum fluviatilium Majorum & Minorum frustis , qvæ ad tactum
frigida ac mollia erant , vidisse lumen , qvale sulphur accensum redde-
ret , fractis tamen obtusisq; radiis luridum . Iisdem Gamarorum re-
liquiis minutissimos qvosq; Characteres sine ullâ offensione , sicut ad
Lunæ lumen , perlegere potuit , applicato tamen splendore cuilibet
Syllabæ , cum non ita sese effuderit , ut unico aspectu tota pagina il-
lustraretur . Vide Bartholinum d . l . pag . 303 . Licetum Tractat . de Li-
theosphoro . cap . 33 . pag . 123 . Suspiciatur autem Philipp . Jacob . Sachs
in Gamarologiâ cap . XI . § . 6 . pag . 212 . hoc melius in Cancris marinis ,
qvam fluviatilibus procedere .

§. 17. Porro Dactylis , qvi ab aliis Cappæ longæ , Canales ,
Solenes & Pholades nominantur , natura humorem adeò lucentem ,
indidit , ut noctu non secus ac ignis fulgeant . Meminit eorum Pli-
nius lib . 9 . cap . 61 . his verbis : Concharum è genere sunt Dacty-
li ab humanorum ungrium similitudine appellati . His natura in
tenebris remoto lumine alio fulgore clarere dedit , & qvanto magis hu-
morem habent , ludere iu ore mandentium , lucere in manibus atqve
eiam